

惠安縣志

(三)

惠安縣志卷之二五

儒林向學

龜山傳道南之緒。至子朱子而聖學乃益大昌明。其在吾泉有清源別派之學。而皆從子朱子講說。以發明其旨趣者也。惠邑自唐以來。文人學士。指不勝屈。要所謂體認淵微。精察而力行之者。往往無聞。前志載親受業于朱子之門者二人。尊聞行知性命之傳。藉以講習討論。於是先聖之道得已不墜。泊乎明世。良知之說。倡於餘姚。一時名公鉅卿。皆揚其波。而子朱子之學。薄爲舊說。吾道之阨。此一時乎。三山鄭恭介。世威正學一疏。指出其謬。引秦和羅整菴。困知記及小山類藹。以爲證據。小山類藹者。先少保淨峯文集也。自是而後。確守前訓。二百年來。私淑諸人。亦時時有見於他說。今因其有符彙軌者。依道南一脈。原書採其姓名。以著於冊。俾講學者得所攷證焉。志儒林向學。道南一脈。同安黃文照撰集。

儒林向學

宋

劉鏡

張選

江與權

黃巖孫

明

張慶 江化鯉 潘一謬 許朱 謝平 曾安 洪輔隆 蔡信

陳學銓 曾孔造 李鐘英 林璣

國朝

張楨 蔡可樂

儒林

宋

劉鏡 張巽 江與權 黃巖孫

劉鏡字叔光，淳熙間與楊至、陳易、楊履正從朱文公學，稱高弟。別業在龍津之原，張子文巽於此與鏡講明晦翁之學。

張巽字子文，一字深道，漳州刺史清溪之裔。父寓奉議郎，知臨江軍，嘗與張南軒共學。淳熙中，南軒講學長沙城南書院，寓遣巽從之遊，及歸贈二詩，指示爲學根本，且致屬望之意。其一曰：秋風木葉落，送

客麗譙東。豈懷兒女態。愛此趣味同。至理無轍迹。妙在日用中。聞言有不信。渠自馬牛風。吾子實所畏。立志高冥鴻。卓然遊聖門。不受異說訐。切嗟豈不樂。愧非劉鼻工。於皇太極蘊。精微浩無窮。願言終玩繹。默參元化功。

其二曰。人言底柱險。袖手不敢通。私知人心危。毫厘千萬里。有來事物繁。酬酢無波靡。雖云應不窮。要且辨真僞。良知本易直。天機驗所起。涵濡自日新。月新乃無蔽。聖學非空言。要領固在此。吾子端發源。所進渺涯涘。我雖念不敏。詎敢忘所止。後會尙有時。深功同舉。似南軒之教。使人先察天理人欲之分。而培養擴充以復其性。其於聖賢微言。多以所自得義理爲之解說。明透灑落。人人易曉。巽旣得師言以歸。杜門玩養。寡交于人。人亦鮮知之者。是時晦翁之學盛行於泉。謂之清源別派。從遊如楊至至之。陳易後之輩。持守講論。多有可觀。惠人劉鏡叔光者。稱爲高第。巽向與之遊。因所得聞於晦翁者。未能釋然。曰。晦翁之教不止是也。乃走武夷謁晦翁。晦翁以所嘗與南軒講論中和之旨告之曰。此某與南軒晚年畫一工夫也。臨別又請教。晦翁曰。南軒記嶽麓某記石鼓合而觀之。知所用力矣。巽退而喜曰。吾固謂其不止是也。歸曰。從事於涵養體察。久益明淨。人或勸其著述。對曰。尊所聞則高明。行所知

則光大。吾於所聞所知，未能加意。安敢忘作草堂在錦溪之上，學者稱爲錦溪先生。

江與權字亞良，從學蔡白石、陳北溪，爲文古雅，以右選入官，兩與鄉貢。

黃巖孫字景傳，寶祐四年進士。特仙谿，改令尤溪，作夫子燕居堂，新南溪書院以居學者。初太極通書

西銘，文公爲之解。巖孫本其意，及諸儒論說間，申以所見，會萃成編，倫類通貫，名曰輯解，刊之書院。文

公曾孫浚序之。通守福州，校刊西山讀書記。巖孫之爲學也，在講明理氣。嘗云：水陰也，而生於一，則根

乎陽，火陽也，而生於二，則根乎陰。正圖書相表裏之說也。五殊二實，亦與此參觀。程子謂離了陰陽便

無道，陰陽氣也，所以陰陽道也。氣是形而下者，道是形而上者，道非陰陽也，所以一陰一陽者道也。如

一闔一闢，謂之變陰陽。形而下者，而曰道者，上惟此語截得上下最分明。元來只是此道，要在人默而

微會之也。形而上者，道形而下者，器。須知器亦道，道亦器，但得道在不繫。今與後已與人，或問古有氣

化，今無氣化，何也？曰：有兩般，有全是氣化而生者，如腐草化爲蠶。化是也。到氣化合化時，化化有氣化，生

之後，而種生者，且如人身着新衣裳，過幾日，便有蟣蟲生其間，此氣化也。既化後，便不化了，便以種生

此理甚明。萬物之始，氣化而已。既形氣相禪，便形化長而氣化消，近取諸身，百理俱具，屈伸往來之義。

只在鼻息之間。見之屈伸。往來只是理。不將既屈之氣。復爲方伸之氣。生生之理。自然不息。如復言七日來復其間。原不斷續。陽已復生。物極必返。其理須如此。若謂返之氣爲方伸之氣。必資。則與天地之化不相似。至說體用。一源之意。則舉張閔中間伊川易傳。及呂與叔見程先生。先生說橫渠教人一條。以示人。觀此。則巖孫於天理流行之處。體察精微。故其立言明確。無殊黃陳諸儒。

性命之學。須是涵養精熟。錦溪公從南軒講論中和之旨。景傳先生體勘理氣本源。皆能至於天理。爛熟地位。其在朱門。稱高第矣。錦溪兄震子蒼。敦厚好禮。躬行家範。鄉族感化。錦溪曰。誠意之足以感人。非吾兄身敦禮法。範亦空言耳。是時推好家範。必首張氏。故至今人猶曰。識仁識義。張子蒼。

明

張慶

江化鯉

潘一諤

許朱

謝平

曾安

洪輔隆

蔡信

陳學銓

曾孔造

李鐘英

林璣

張慶號新齋。邑諸生潛心經史。動依古禮。言行相顧。嘗讀書蕭寺。不忘交接。獨與莆林龍。江兆愚。日論心性之學。父母喪。三年不入內室。甚功亦如之。邑令葉春及雅重之。屢訪皆以病辭。南一脈傳入理學因之。

江化鯉字霄臺。安雲鋪下安人。幼授業於教諭駱廷煒。學問精實。於六經尤深體校。萬歷乙酉舉人。知龍門縣。縣係新設。坐堂時嵐氣蔽空。忽聞吟詩倡和。其聲渺然。傳爲舊令之魂。遂致政。歸教授生徒。史閣老繼偕。其高足弟子也。邑名士曾小平環負笈從遊。尤所注意者。著太極圖說。無成子文集。百一詩吟。子萬珍。慶遠經歷。

潘一諤字孟崑。輞川人。萬歷辛卯舉人。知成都永興二縣。陞知州。准王府長史。一諤志在著述。以發明理奧。著中節家學道言三編。曾小平稱爲足羽翼聖經。當一諤之官淮府也。謂組易解。渥顏難駐。惟進德修業爲可永久。遷左史。與王相得江都。經術可基。梁園詞賦未足云也。在江右設釋人稱潘夫子。三

十年始一歸省。未幾作破帽歌。遂仗劍出遊。竟卒於外。僕名賢能。通道德經。習詩韻。工絲竹。異時讌集。集字敲律。刻灼成章。一謬因教之唐人法律。入蜀人柳與一謬倡和。人謂不減鄭康成小髻。

許朱子。字夫賡。節推巖光之父。天啟辛酉舉人。潛心性理。研究濂洛關閩之學。有小學章。日月錄。功過格遊記。會語詩句。五經蠡言。性理問答諸書行世。晚年於太極黃鐘。備加研窮評纂。史談諸詩。鐫於建陽書坊。尤爲世所重。兄樛。字夫隆。號亦樛。工詩。謝平。字時雍。寧子。少負奇氣。宏治辛酉舉人。時年已四十餘。五舉不第。縱遊江湖間。其奇傑之氣。時見諸歌詠選。授樂昌知縣。上官一夕卒。臨絕口號云。孤燈伴病身。鄉關入夢頻。自是良夜永。錯恨打更人。聞者悲之。

曾安驥。峙峯。少欺異。負奇氣。爲諸生治詩經。蜚聲譽序。時老生拘守傳註。不敢變。安涉獵貫穿。旁談百民。盡通其大指。爲文閱博偉麗。語多獨得。爲人真性坦率。無少長。交遊皆忻。邱澤巖壑。呼朋行侶。觴詠忘疲。不喜事貴人間一接。安氣象傲。晚不降體。以瓦合利之所在。視之若浼。究心理學。志行皦然。以子承芳。貴贈文林監察御史。節風岡存稿。

洪輔隆。字子輪。十歲能文。十四歲爲諸生。從莆周進士講詩。學益勵。爲文不屬草。辯博奧衍。自成一家。

嘉靖戊子秋年二十一、與邑中李愷、黃以甯同領鄉薦、爲人恂恂雅飭、器度不凡、赴春官、至洪塘抱病而回、悉心經學、越三年卒、年甫二十五、時咸惜之。

蔡信、字實夫、號石亭、少穎異、稍長、日誦五千言、十七歲爲諸生、每爲文、沉思力構、按古爲度、新意叠臻、讀書終日、靜觀了一全部、卷帙浩繁、皆能說其要旨、該博妙悟、乙酉試弗利、遊莆中、將擇師事之、不遇而歸、越年、近邑故族庠生黃楓、延莆田林秋英、居西塾、信與劉大誠致之、庠齋與爲會、未幾、信與楓以膳師小失、嘖有煩言、適楓因閨閣悍戾、亂志病瘋、以布裙絰松枝、縊于盤龍山下、楓父暴尸信堂外、將於信及大誠甘心焉、二生懼、自投縣獄、訊時、諸耆老庠生咸訟其冤、主者不察、竟羅織成獄、釋大誠而以信議辟、驗屍風霾者三、雷震楓柩者一、問官不悟也、在獄中、著籲天集以自哀、慘愴懇切、讀者無不下淚、副使李愷爲之傳、節李抑齋撰傳

陳學銓、字惟秉、號西行、少貧寒、磽田數畝、操耜稍閑、即橫經、父居東福里、豪每發難、端齋恨以歿、學銓度單孀莫奈、彼何棄田里歸司口佳地、縱橫子史百、楊氏管如飛、頃刻千百言立就、諸名公爭延之西席、內子以儒科應試、自是膺試皆高等、念父已逝、事母及時、羞腴在館舍、每夜歸、省視母色、霽怡然出

戶小有病輒長夜籲號曰天平既寇吾父尙其延吾母其爲教規條峻厲鷄未號即起披衣促各舍篝燈夜靜猶聞譙呵聲非更闌不許就枕所執經多取科名去而學銓卒困棘闈既沒門人陳玉輝爲銘其墓。

李鐘英字于儲萬歷辛丑歲貢幼穎悟伯父愷奇之事父母以孝聞居恆慨慕昔賢讀書錄密箴二刻佩服不倦文以平正通達爲上官廣東香山訓導。

曾孔造字子化號潔環御史承芳孫爲諸生胸次朗豁擲管神來每試輒高等念祖父年不酬志葺揖科亭日夜苦讀輒病病已復讀由是藝日益工交遊日益廣一時知名士無不心折者慷慨樂施振親知之急無吝色坐客恆滿絲竹嘯歌雜以諧謔若類放達然一罷觴則頽然冥神扁屏仍手一編喜種菊秋來黃英雲布堦前病中猶手自抱罌灌注病革尙從榻前言爲我視揖科亭菊何如年二十九陳玉輝銘其墓節適齋鑑錄

林璣字彥弼戶部主事會春子萬歷己酉第二名舉人性質鈍魯書三四行終日苦讀不能成誦每夜分自罰跪以竣功及北上舟中讀書無停晷操舟者曰相公所讀者某已能熟念矣蓋勤苦下惟力變

化其氣質而竟底于成如此。萬歷乙未會試中式，未殿試而卒。

吾邑前明理學諸先哲皆推先少保淨峯公。聶貞襄豹謂道南一脈，淨峯獨躋其巔。李抑齋愷謂淨峯之學源流實出餘干。胡敬齋居仁河東薛敬軒瑄上溯考亭，文章深厚爾雅，根抵道脈，卓卓自成一派。言四十年

以前，以程朱自命。四十年以後，乃以韓范勲業終焉。何氏清源文獻亦云，乃敏求讀

國朝纂輯明史、福建通志及郡縣志，皆傳公勲業，而不及儒林傳。夫人達則見之事功，遠則見之著述，不人公儒林傳者，蓋公固行義以達其道者也。外此而張江、潘、許諸子講求性理，丹黃鉛槧，所謂藏之名山，傳之其人，非與。敏求

國朝

張楨 蔡可樂

張楨字于幹，海豐令鏘之孫。少穎敏好學，朱給諫又煥見其文，曰：「此道學中人也。」遂以女妻之。爲諸生，屢困場尾，乃開壇講學。以程朱自命，嘗日閉門靜觀先天八卦圖書，考究理數同符，指出以示學者。又與陳幼嘉同著四書合說、易易吟、丹經行世。壯年應富宗伯聘，至燕爲西席賓。大學士熊公賜履，大

理卿洪公士銘。皆優禮以待。歸時賦詩以贈。家居日。熊公貽書曰。公形貌敦樸。坐立如山。言笑不苟。吾黨中有道君子也。別後愈令人思。不知尙健。能再北遊否。富公云。人生義皇以上。道在孔孟之間。

閱公遊錄序有云。心在無處轉。秦火可罪。未可罪諸語。似學于陳白沙。憲章與自家襄惠左矣。敏求

蔡可樂。字嘉士。乾隆十五年恩貢生。博綜今古。爲文不樂時蹊。爲諸生時。歷試多居前列。規言短步。律身以正。接人以和。雖急遽中。無失色。邑重修文廟。捐貲樂助。督學周公學鍵。舉報優行。歷任邑令。延主螺陽書院教席。所從學者。多登賢書。或首薦額。年七十有六卒。選刻有螺陽課藝。

卷二十五終

惠安縣志卷之二十六

文苑

唐 陳 嘏

宋 黃宗旦 黃 翰 王猷臣 陳 沼 謝文龍 郭 拙 盧 瞻

江致堯

元 謝子龍 郭淳休

明 洪 鐘 陳 塔 康惟心 劉 祿 康 朔 朱 昭 張 筠

黃^克晦 黃士紳 陳文選 鄭元麟 駱志賓 戴亮策 陳夢說

祖 燧 陳 鶚 吳天成 曾 璟 張聖聽 張 若 劉 莊

劉 華 楊^色童年 陳鐘典 蘇 確 黃元享 陳其督 莊而楚

鄭伯茂 莊明鑑

國朝

林之彖 張用修 黃重禧 黃彥標 張元龍 方雲章 林之濬 黃吳祚

出科聯 張步瀛 曾應選 何中立

文苑

泉文學倡自歐陽四門，與韓愈李絳齊名。其時惠地尙屬晉江，陳錫之綴崛起報劬山下，文章矜重，見稱當寧，遂與中原文人學士相頡抗焉。至宋踵起者益多，莆陽蔡忠惠襄論閩中人文四門，歐陽詹而後，首推鄭成之，襄即成之亦自謂不後於歐陽也。懷爾惠邑，文學蔚興，蓋自昔然矣。明以制義取士，士亦以是掇科名，然而揮翰灑墨，衙官屈宋者，往往代不乏人。追我

國朝，教澤涵濡，振興文運，搢紳先生與夫文學之士，皆能揚葩藻以鳴其盛，開科取士，亦沿明制。近奉功令，二場兼試唐律歲科，兩試兼重經學古學。一時操觚之家，制義則弁冕羣才，詞賦則蜚聲藝苑。上自史漢，逮乎唐宋人家，下而王唐歸胡，暨我

朝劉熊李張諸公，或制義專家，或古文兼長，攷之彙籍，合所見聞，備著於冊。惟既以宦蹟志者，則不復錄焉。志文苑。

唐

陳嘏

陳嘏字錫之。居報夠山下。在今黃田鋪。開平三年。及第。以絳

賦擅時名。尤工篆隸。宣宗奇其才。曰。陳嘏。琬琰器也。將大用之。以疾卒。官終刑部郎中。今傳羽衣霓裳。履冰二賦。

宋

黃宗旦

黃翰

王獻臣

陳沼

謝文龍

郭拙

盧瞻

江致堯

黃宗旦字叔才。幼有異質。祖禹錫。賦早春詩云。龍中喜有龍門客。躍出洪波只待雷。禹錫大奇之。淳化末赴闕。以文贊寇萊公。王元之。錢若水。咸見器重。咸平元年。中甲科第二名。以文章聞一時。出知蘇

州王質迎判州事。宗旦以年少易之。質每事與爭。宗旦嘗得強盜數人。以詫質。之何從知之。宗旦曰。以術鉤得。質曰。仁者之政。以術鉤人。致之罪。而又喜耶。宗旦大服。亟稱質曰。君子也。晚直史館。病目。凡奏事。先具奏目成誦。至上前展讀。其實不見也。同列有以他事察易之。宗旦誦畢。比歸。乃覺。遂乞致仕。以刑部郎中知襄州。卒。有集十卷。初。宗旦與李慶孫齊名。太宗時。同試殿廷。有謗其鬻賦爲人市進士。斥不得第。至是同在甲科。人爲語曰。國家才子黃宗旦。天下文章李慶孫。堯允司勳郎中。三司省判。亦知襄州。父子繼牧一郡。鄉人榮之。孫翰。以上舍生登進士。知柳州。有祭柳州文。載柳集中。宗旦祀賢祠。黃翰。宗旦孫。知柳州。爲文祭柳子厚。其詞曰。世傳不朽。文學詞章。惟公之文。駕韓蹴張。雄深雅健。實比子長。民思無斁。政事循良。惟公之政。祖龔述黃。深仁遺愛。實比甘棠。孔門四科。達者升堂。公兼得之。光於有唐。大材俊偉。議論慨慷。交口薦譽。名聲益彰。要路立登。台省翱翔。擢列御史。拜尙書。印時將大用。器博難量。辟如八駿。奔逸康莊。追風掣電。萬里騰驤。亦如利器。鏑鄒干將。直視無前。其鋒孰當。不慎交友。玷於韋王。群飛刺天。纔言如簧。一斥不復。困於三湘。譬如鸞鳳。不巢高岡。棲之枳棘。六翮摧傷。亦如巧匠。睥睨觀旁。縮手袖間。善刀以藏。一麾出守。惠此南方。隴城雖遠。毋敢怠荒。動以禮法。率由典常。公